

Dorchen: Was leit mir aan dä alde Zeide!
Sang-Gehann wollt' immer vorwärts schreide,
Saarbricke war wie ingerescht,
Denk nur ans Rothaus un die Poscht!
Gell der Vergleich gefallt dr nit,
Do sieht jed' Kind de Unnerschied!

Jettchen: Ach Dorche, daß isch nur der Neid,
Ich siehn's, du willscht nur Zank und Streid.
Hädde se so e Rothaus nur iwerall
Wie unersch mit demm hischdorische Saal,
Wo all die feine Bilder sinn.
Ich glaab, de warscht noch garnit drin?
Un unser Poscht ufem Ludwigsplatz,
Das war e Palascht! Mei Großmudder saat's,
Wie dort die nei Kirch' gebaut isch wor,
— Es sinn schun hunderdfufzig Jahr —
Do baude se — die ware nit dumm —
All die scheene Heiser drum erum,
Do wohnde lauder Hofferre drin —
Wie schad, daß die Zeide voriwwer sinn!
Un die Ludwigskirch' mit ihrer Kunscht!
Wo findt mr so e Kirch' dann sunscht?

Dorchen: Nu jo, daß will ich der zugeschdehn,
Ich finne jo aa die Ludwigskirch' scheen,
Daß muß mer schun, wammer uf Bildung halt.
Awwer wäescht de, well Kirch' mr noch besser gefallt?
Unser Johanneskirch', die is noch nei
Un is doch gewiß e feines Gebei
Mit ihrem Turm un ihre Glocke!
— Gell, aweil machscht de dich uf die Socke?